

## Metoda 635

Z pomocu metody 635 hodži so w skupinje ze 6 wosobami materialowa zběrka, na př. za rozjimanje temy, nadželać.

**Zhotowće sej materialowu zběrku za rozjimanje slědowaceje temy. Zběrajće waše ideje a wupjelńće za to předwidžany formular.**

**Tema: Šulerska wuměna – je to něšto za mnje?**

„Najwjětšu zajimawostku, kiž mamy, je swět – jón sej wobhladaj.“ („Die größte Sehenswürdigkeit, die es gibt, ist die Welt – sieh sie dir an.“) *Kurt Tucholsky*

„Dundaj po swěće. Je přewšo rjany, a hdyž so jemu wotewrěješ, će wobdaruje.“ („Trudle durch die Welt. Sie ist so schön, gib dich ihr hin, und sie wird sich dir geben.“) *Kurt Tucholsky*

Cyle hinaša tema, kotraž do rozjimanja wabi, móhła na př. rěkać:

**Smartphone hakle wot 12 – měła so minimalna staroba za wobsedženje smartphona zawjesć?**

**wotběh:**

- Kóždy wobdžělnik skupiny (dohromady **6**) zapisa cyłkownje **3** mysle, nastorki resp. ideje do předležaceho formulara. Za to ma kóždy **5** mjeńšinow chwile.
- Na znamjo moderatora započnje přeni wobdžělnik skupiny formular wupjelnić a zapisa do kóždeje z třoch špaltow wosobinsku mysl resp. ideju. Potom da formular swojemu susodej dale. Wšitcy druzy móža nětko zapiski předchadnika wudospońić a dalše, cyle nowe warianty a mysle zapisać. Za to steji kóždemu wobmjezowany čas k dispoziciji.

Metoda hodži so wuběrnyje wariěrować a po mnóstwje wobdžělnikow a po času, kiž wučer předpoda, wučbnej hodzinje přiměrić. Metoda je jako zazběh do wěsteje temoweje jednotki za swobodne hromadženje mysłow, měnjenjow a nahladow myslena. Móžno pak je tež, zo šulerske skupinki po tutym puću předležacy tekst wobdžělaja:

příklad:

1. koło, špalta „ideja 1“: Šulerjo formuluja na wěstu temu swójske argumenty a je zapisaja.
2. koło, špalta „ideja 2“: Šulerjo staja swojim argumentam wuprajenja wo temje z předpodateho teksta napřećo.
3. koło, špalta „ideja 3“: Šulerjo dalše so hodžace příklady z teksta zapisaja.

**Metoda 635 – skupinski formular**

	ideja 1	ideja 2	ideja 3
wobdžělnik 1			
wobdžělnik 2			
wobdžělnik 3			
wobdžělnik 4			
wobdžělnik 5			
wobdžělnik 6			